



**SESOTHO A1 – HIGHER LEVEL – PAPER 1**  
**SOTHO A1 – NIVEAU SUPÉRIEUR – ÉPREUVE 1**  
**SESOTHO A1 – NIVEL SUPERIOR – PRUEBA 1**

Monday 14 May 2007 (morning)  
Lundi 14 mai 2007 (matin)  
Lunes 14 de mayo de 2007 (mañana)

2 hours / 2 heures / 2 horas

---

INSTRUCTIONS TO CANDIDATES

- Do not open this examination paper until instructed to do so.
- Write a commentary on one passage only.

INSTRUCTIONS DESTINÉES AUX CANDIDATS

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Escriba un comentario sobre un solo fragmento.

*Ntša maikutlo a hau holim 'a e 'ngoe ea liqotsulo tsena.*

1. (a)

- A fihla ho le joang 'Mamolise! Molise e ile ea ka lefatše le ka ngamoha a ipata. 'M'ae o fihla tjena e le ha a futuhetsoe ke tse tharo tsa likharebe tsa hae. Li perohile ka lerata tjena li tseka ho bona motho oa tsona. Joale e mong le e mong o bolela ha a bitsitsoe, 'me a tllile pitsong. Tsena tsohle ka ho ba li hoelehelitsoe. 'Mamolise o ikutloela tsona leha a sa rate ho li mamela.
- 5 Molise o ne a batla ho fokotsa tloaelano ena ea hae le likharebe. Kahoo ha ba mo letsetsa joaloka kamehla ba ne ba fumana a bata po! Ka le leng la matsatsi a fumana lengolo le suntsoe tlas'a lemati. Lengolo le ne le e-tsoa ho Liemo, e mong oa likharebe tsa hae. Ho ne ho se le litaba tse ngata bo! Molise o ne a tšositsoe ke melana ena: "Ha ke na le litaba tse ngata. Ha ke ngola tjena ke sepetlele, kea kula. Ke fumana hore ke imme ngoana oa hao. Khoeli ke ea bohano joale.
- 10 Ke makaletse ho se u bone hoba nkile ka u etsetsa molaetsa. Le batsoali ba ka ba lekile ho iteanya le uena empa ha ba u fumane."
- Ka le leng a fumana khoba ha hae Molise. Liemo ha a lokolloa sepetlele le leseanyana la hae, a utloa a tsoafa ho ea khoka batsoali ba hae ka kholiso ea lona. Kahoo a etsa qeto ea hore o ea ha Molise kaha ngoana e le oa hae. Ke mona moo eitseng ha a fihla ha hae Molise a fumaneng mosali
- 15 ea qhaqhaselang ke serame monyako, etsoe e ne e le Mariha. O ne a e-na le lithoto tsa hae. Mosali eo o ne a ile a ema a ikhothatsa ka hore mamello e tsoala katleho ha a fumana Molise a le sieo. Molise a ahlama feela, a hlolloa ho qeta ho fumana hore ke Liemo eo. A bula monyako he, 'me ba kena ka tlung. Hoba a bonese, a li qala Liemo. "Ngoaneso, ke leboha ha u ntumelletse ho kena ka ha hau. Ha ke na le litaba tse ngata, ke mpa ke u tliselitse thoto ea hau ke ena. Heso ha ho motho
- 20 ea ka e hlokomelang, kahoo ke e tlisitse ho uena mong'a eona." Ha a rialo, a hlohlolla ngoana ka mahetleng, 'me a mo beha holim'a bethe. Lesea la se khabola empa 'm'alona a tsoa a betseha monyako.
- Bosiu ba e-sa Molise a sa bo hlotha ho hang. Ho hlobaeleng hoo ha hae, a nahana litsela tsohle tse ka mo thusang, 'me a qetella a fihletse qeto ea ho isa ngoana hae, ho 'm'ae. A be a tšoana le
- 25 eena hle ngoana. Ke ha e re ha ho bonahala, bosiu bo oela fatše, a kena koloing, 'me a leba Qacha. O fihlile hae a se a sa ipatle, ngoana oa lla, ha ho lijo, ha ho maleiri, le a teng a metsi kaofela. Koloji ke eo e fihla e re khekhenene lebaleng habo. Molise a betsa lemati la koloji, 'me 'm'ae a be a se ipetselitse kantle ho bona hore na koloji ke ea mang.
- 'Mamolise a sehoa ke letsoalo hoo a bileng a sitoa ho botsa botsoho. La qalella ho khabola lese, ea ka le nkhehla mabala a motse oo le fihlang ho oona. Ha le etsa joalo lese, nk'hono'a lona a mathela koloing moo le khabolang. 'Mamolise a sehoa ke letsoalo, a batla a haroha letsoalo, 'me kajeno a kholoa letsoalo la hae. Leha mora e sa ba lekholoa feela o tla e le motsoetse.
- 30

Matsau M.A. *Botebong* 2002

1. (b)

**Secha ho Methepa**

Ngoetsana tsa rona mehleng ea joale,  
Mese e lutse kaholim'a lengole,  
Eta ho khoesitsoe litsantsabane

Ekare ba koloka ba ea motou,  
5 Liemere ba li utlile Sekhooa,  
Meriri bolitse holim'a lihlooho.

Ea sala eka bo- 'mamolangoana,  
Mahloma-fereko-holim' a-libono.  
Ba rutha masumo har' a mohlangoana.

10 Maoba ha Lesotho le sa rateha,  
Ho ba le makoti e n'e le motlotlo  
Lapa labo le phela ka boiketlo.

Kajeno lena ngoetsi ke motšabehi,  
Koko ea bana le ea bo-matsala.  
15 Ntsoe la makoti le tletse linale.

Bana, le iname, ke lutse setulo;  
Matsale, tutubala, kea tonosa,  
Uena, ratu, se bue; ke tla hlabeha.

Nthong tsa secha, methepa, le pele;  
20 Le fetoa feela ke matsela-leoatle;  
Re bona le tseba ho lahla 'mala.

Botšoana ke pale, ha re sa bo tseba.  
Kharebe tsa heso 'mala o mong;  
Tšehlana tsa lefatše labo Mohato.

25 Ponono tsa mema bo-fito bosiu;  
Tsa fihla tsa ba nyeka; tsa ba pholecha;  
Ba sala eka ke bana ba masea.

Mathekeng ke bo-'mamolukule;  
Melomo ba e tšasa ka bofubelu;  
30 Linala li mali banana ba joale.

Elias A.T. *Phephetso* 1975